




Broj: 02-03-1118-2/20
Sarajevo, 19.10.2020. godine

KANTON SARAJEVO

Skupština Kantona Sarajevo
N/p predsjedavajućeg Skupštine, Dr. Mirza Čelik ✓

Ul.Reisa Dž. Čauševića broj 1
Sarajevo



PREDMET: Dostava odgovora na zastupničko pitanje Samira Suljevića, zastupnika u Skupštini
Kantona Sarajevo
Veza Vaš akt, broj: 01-04-37535-16/20 od 29.09.2020. godine

Na 29. Radnoj sjednici Skupštine Kantona Sarajevo održanoj dana 28.09.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl: 211. i 214. Poslovnika Skupštine Kantona Sarajevo, zastupnik Samir Suljević postavio je pitanje koje glasi:

“Da nas obavijestite u vezi statusa predmeta u kojem je Ministarstvo prostornog uređenja, građenja i zaštite okoliša obavijestilo Vladu Kantona Sarajevo u vezi prijave protiv Adnana Efendića, bivšeg direktora Kantonalnog stambenog fonda, inače kadra Stranke demokratske akcije, koji je prijavljen Uredu za borbu protiv korupcije zbog dodjele osam stanova Kantonalnog stambenog fonda bez javnog poziva ili saglasnosti Vlade Kantona Sarajevo?”

Postupajući po postavljenom zastupničkom pitanju, Kantonalni stambeni fond Sarajevo u smislu odredaba Poslovnika Skupštine Kantona Sarajevo („Službene novine Kantona Sarajevo“, br: 41/12- Drugi novi prečišćeni tekst, 15/13, 47/13, 47/15,48/16,9/20 i 14/20), daje sljedeći:

ODGOVOR

U vezi problematike koja je predmet postavljenog pitanja uvaženog zastupnika Samira Suljevića, obavještavamo Vas da su od strane Ministarstva unutrašnjih poslova Kantona Sarajevo – Uprava policije, Sektor kriminalističke policije Sarajevo, službenim putem - po aktu od 10.06.2020. godine, zatražene od Kantonalnog stambenog fonda Sarajevo potrebne informacije i dokumentacija koja se odnosi na izvršenu prodaju devet (9) spornih stanova od strane ovog pravnog lica.

Informacije i relevantna dokumentacija je zatražena nakon podnešene Prijave Ministarstva prostornog uređenja, građenja i zaštite okoliša Kantona Sarajevo koja je Ministarstvu unutrašnjih poslova Kantona Sarajevo- Uprava policije, Sektor kriminalističke policije Sarajevo dostavljena putem Ureda za borbu protiv korupcije i upravljanje kvalitetom Kantona Sarajevo.

Postupajući po navedenom zahjevu, Kantonalni stambeni fond Sarajevo je na navedene okolnosti, svojim aktom, broj: 02-03-677-2/20 od 07.07.2020. godine, dostavio detaljne





informacije i svu relevantnu dokumentaciju kojom je raspolagao u vezi spornih stanova prodatih od strane ovog pravnog lica.

Na iste okolnosti iz predmetne prijave, po pozivu Ministarstva unutrašnjih poslova Kantona Sarajevo – Uprava policije, Sektor kriminalističke policije Sarajevo od 03.08.2020. godine, u svojstvu svjedoka saslušana je Belma Barlov, dipl.ing.arh, aktuelni direktor Kantonalnog stambenog fonda Sarajevo kao zakonski zastupnik istog.

Saslušanje je obavljeno dana 07.08.2020. godine u službenim prostorijama Ministarstva unutrašnjih poslova Kantona Sarajevo – Uprava policije, Sektor kriminalističke policije Sarajevo.

Kantonalni stambeni fond Sarajevo ne raspolaže podacima o trenutnom statusu predmeta koji se odnosi na predmetne stanove.

Dostaviti:

- ① Naslovu;
2. Ministarstvo prostornog uređenja, građenja i zaštite okoliša Kantona Sarajevo (na znanje);
3. Stručna služba Vlade Kantona Sarajevo (na znanje);
3. U evidenciju;
4. U spis.

